

SAMOA

Faatulagaina o Aiaiga

- | | |
|--------------------------------|---|
| 1. Igoa puupuu ma le amataga | 15. Ua teuteuina le fuaiupu 22 |
| 2. Ua teuteuina le igoa umi | 16. Ua soloia le fuaiupu 23 |
| 3. Ua teuteuina le fuaiupu 2 | 17. Ua teuteuina le fuaiupu 32 |
| 4. Ua teuteuina le fuaiupu 5 | 18. Ua teuteuina le fuaiupu 34 |
| 5. Ua suia le fuaiupu 6 | 19. Ua teuteuina le fuaiupu 40 |
| 6. Ua suia le fuaiupu 7 | 20. Ua teuteuina le fuaiupu 41 |
| 7. Ua teuteuina le fuaiupu 8 | 21. Ua teuteuina le fuaiupu 42 |
| 8. Ua teuteuina le fuaiupu 9 | 22. Ua teuteuina le fuaiupu 48 |
| 9. Ua teuteuina le fuaiupu 10 | 23. Ua teuteuina le fuaiupu 49 |
| 10. Ua suia le fuaiupu 11 | 24. Ua teuteuina fuaiupu 50, 52
ma le 54 |
| 11. Ua teuteuina le fuaiupu 12 | 25. Ua teuteuina le fuaiupu 57 |
| 12. Ua teuteuina le fuaiupu 14 | 26. Ua soloia le fuaiupu 58 |
| 13. Ua teuteuina le fuaiupu 20 | 27. Teuteuga faatupulaia |
| 14. Ua teuteuina le fuaiupu 21 | |

2014, Nu. 12

**O SE TULAFONO e teuteu ai le Tulafono o Pule o Vaega
Fanua 2009 (“Tulafono autu”).** *[7 Aperila 2014]*

UA FAIA e le Fono Aoao Faitulafono a Samoa i totonu o le
Palemene ua potopoto e faapea:

1. Igoa puupuu ma le amataga-(1) E mafai ona taua lena
Tulafono o le Tulafono o Teuteuga o le Tulafono o Pule o Vaega
Fanua 2014.

2 *Teuteuga o le Tulafono o Pule o Vaega Fanua* 2014, Nu. 12

(2) O lenei Tulafono e amata faamamaluina i le aso e amata faamamaluina ai le Tulafono autu.

2. Ua teuteuina le igoa umi - I le igoa umi o le Tulafono autu, mo le faaupuga “le tuuina atu o tusi faamaonia o lautusi faanumeraina o komepiuta o le pule” ia suia e faapea “le faia o lautusi faanumeraina o le Tusi Resitala”.

3. Ua teuteuina le fuaiupu 2 - I totonu o le fuaiupu 2 o le Tulafono autu:

(a) ia faaofi faamatalaga o uiga o upu i o latou faasologa sao o mataitusi o le pi faitau faa-Peretania:

““faamaoniga” o lona uiga o le faamaoniga a le Ofisa Sili o Pulega e tusa ai o le Tulafono o le Fuaina o Fanua 2010;

“tagata ua laiseneina e fuafuaina tau” e i ai le uiga ua tuuina atu i ai i lalo o le Tulafono o le Fuafuaina o Tau o Fanua 2010;”;

(b) ua soloia ai le faamatalaga atoa o le “tagata aloaia e faia tau aogā” ma “laupepa faaopoopo o faamaumauga”; ma

(c) i totonu o le faamatalaga o le “ata o le vaega fanua” mo le upu “teuina” ia suia i le upu “faamaonia”.

4. Ua teuteuina le fuaiupu 5 - I totonu o le fuaiupu 5 o le Tulafono autu:

(a) mo le faafuaiupu (1), ia suia e faapea:

“5. Aloaia o vaevaega pe a tuuina atu ata o fanua mo le faamaonia-(1) O le vaevaega o fanua ina ia tuuina atu ai mo vaega fanua e tatau ona aloaia i le faamaoniga o se ata i lalo o le Tulafono o le Fuaina o Fanua 2010 lea e:

(a) faamaoti mai ai vaega fanua e faasino i fale o i luga o le fanua; ma

(b) usitaia le Tulafono o le Fuaina o Fanua 2010; ma

(c) usitaia so o se isi lava manaoga e pei ona mafai ona fuafuaina mai lea taimi i lea taimi e le Ofisa Sili o Pulega, po o ua manaomia e le Ofisa Sili o Pulega e faasino i so o se ata faapitoa o vaega fanua.”; ma

(b) mo le faafuaiupu (5), ia suia e faapea:

“(5) Afai o se vaega fanua ua lisiina atu, mokesiina, nofoia po o ua tagofia i se isi faiga e ese mai ai, e tatau ona faamanino i totonu o le pepa faamaonia faaletulafono e molimau i le feuaiga faapisinisi e faapea o le Vaega Fanua Nu... i totonu o le Ata o le Vaega Fanua Nu....”.

5. Ua suia le fuaiupu 6 - Mo le fuaiupu 6 o le Tulafono autu, ia suia e faapea:

“6. Tapulaa i luga o le faamaoniga o ata o fanua-(1) I le noatia ma le fai fuafua i le faafuaiupu (2), e mafai e le Ofisa Sili o Pulega ona faamaonia se ata o vaega fanua i lalo o le Tulafono o le Fuaina o Fanua 2010 pe afai:

(a) o umia le fanua lea o lo o faasino i ai le ata i totonu o le lautusi faanumeraina e tasi o le Tusi Resitala; ma

(b) o le fanua lea o lo o faasino i ai le ata, o le fanua atoa lea o lo o i totonu o le lautusi faanumeraina o le Tusi Resitala; ma

(c) se maliega tusitusia (a le o ia lava po o e ala i se tagata sooupu ua talafeagai ona faatagaina i se faiga tusitusia, i le ata ua teuina) ua tuuina atu e so o se tasi po o i latou uma e faapea -

(i) mo le fanua ua lisi atu, o lē na te lisiina atu; po o

(ii) le tagata ua faamauina e umia faaletulafono so o se mokesi po o se tau faaee atu e aafia ai le fanua po o sona vaega; po o

(iii) so o se tagata e faia se tusi taofi lea na faatoai atu lana tusi taofi i le Resitara e faasaga i le fanua a o lumanai ai le talosaga mo le faamaoniga o le ata o le fanua; ma

(d) ua tuuina atu le maliega o le atinae mo le ata o vaega fanua i lalo o le Tulafono o Fuafuaga ma Pulega o Nofoga i Taulaga 2004; ma

(e) ua faamaonia e le Matagaluega e nafa mo Galuega a le Malo, e faapea o le fale ua faaalua i luga o le ata o le vaega fanua, ua maea ona fausia e tusa ai ma Tulafono Faatonutonu ma le Tulafono Laitiiti o Fale i lalo o le Tulafono a le Matagaluega o Galuega 2002.

(2) O le faafuaiupu (1)(a) ma le (b) e lē taofia ai se ata ua maea ona faamaonia pe afai e tasi le lautusi faanumeraina o le Tusi Resitala e mafai ona tuuina atu i se faiga talafeagai mo le fanua lea o lo o faasino i ai le ata.

(3) O le faamaoniga a le Ofisa Sili o Pulega, pe afai e faamaonia i luga o se ata o se vaega fanua, e tataua ona aloaia ina ia:

(a) faamaonia, mo faamoemoega o aiaiga tau le fuaina o fanua i le Tulafono o le Fuaina o Fanua 2010 ma le Vaega III o le Tulafono o Eleele, Fuagafanua ma le Siosiomaga 1989 (i le a lava le tulaga e manaomia ai), faamatalaga manino o le fuaina o fanua ua tuufaatasia i totonu o le ata; ma

(b) famaonia, mo faamoemoega o lenei Tulafono ma le Tulafono o le Faamauina o Pule o Fanua 2008, o faamatalaga manino o vaega fanua uma ma meatotino umia toatele o lo o faaalua i luga o le ata; ma

(c) tuuina atu le ata e avea ma meatotino a le Malo.”.

6. Ua suia le fuaiupu 7 - Mo le fuaiupu 7 o le Tulafono autu, ia suia e faapea:

“7. Sootaga ma isi Tulafono - E leai se mea o i totonu o lenei Tulafono e faaititia ai lona taua mai le Tulafono a le Matagaluega o Galuega 2002 po o le Tulafono o Fuafuaga ma Pulega o Nofoga i Taulaga 2004.”.

7. Ua teuteuina le fuaiupu 8 - I totonu o le fuaiupu 8(2) o le Tulafono autu, mo le upu “teuina” ia suia i le upu “faamaonia”.

8. Ua teuteuina le fuaiupu 9 - I totonu o le fuaiupu 9 o le Tulafono autu:

- (a) i le faafuaiupu (1), mo le upu “teuina” ia suia i le upu “faamaoniga”; ma
- (b) mo le faafuaiupu (2) ia suia e faapea:

“(2) O se aia e uia ai po o se tapulaa ua taua i le faafuaiupu (1) e ao ona faamauina i luga o le lautusi faanumeraina o le Tusi Resitala mo se meatotino umia toatele ma, i le tulaga o se aia e uia ai lea e noatia ai le fanua, e ao ona faaalua le aia e uia ai i luga o le ata o vaega fanua.”.

9. Ua teuteuina le fuaiupu 10 - Mo le fuaiupu 10(1) ma le (2) o le Tulafono autu, ia suia e faapea:

“(1) E tatau i le Resitara, i le faamaoniga o se ata o vaega fanua, ona faalēaogāina le lautusi faanumeraina o lo o i ai o le Tusi Resitala mo le fanua, ma faia se lautusi faanumeraina fou o le Tusi Resitala mo esetete o vaega fanua taitasi, i le umia saoloto po o le umia faalisi, o vaega fanua uma o lo o faaalua i totonu o le ata o se vaega fanua.

(2) E tatau i le Resitara ona tusia se faamatalaga e faamanatu ai:

- (a) mokesi uma e le i totonuina, lisi ma isi esetete ma aia, aitalafu tuua po o isi mea e ese ai, faatasi ai ma so o se lapataiga, faaaliga e taofia ai po o se faatonuga tusitusia faaletulafono lea o lo o noatia ai le fanua i le taimi o le faamaoniga o le ata o le vaega fanua; ma
- (b) i le tulaga o se tamaitiiti po o se tagata o lo o i lalo o so o se isi noataga faaletulafono o lo o ia umia se esetete tau vaega fanua o so o se vaega fanua o lo o faaalua i luga o le ata o vaega fanua, ia taua mai ai faamatalaga auiliili o lea noataga pe afai ua iloa ma ua i ai le malamalamaaga o le Resitara,

i totonu o le lautusi faanumeraina talafeagai po o lautusi faanumeraina o le Tusi Resitala mo vaega fanua, i sea faiga ina ia faasaoina ai pea lo latou tulaga faamuamua.”.

10. Ua suia le fuaiupu 11 - Mo le fuaiupu 11 o le Tulafono autu, ia suia e faapea:

“11. Meatotino Umia Toatele-(1) I le faamaoniga o se ata o vaega fanua, o se meatotino umia toatele o i totonu o le ata ua tuuina atu i le faalapotopotoga ua tuufaatasia faaletulafono mo le esetete, po o aia i le fanua ua avea ma autu o lea ata, e noatia ma fai fuafua i so o se lapataiga, ae peitai e tuusaunoa ma faamatuu ese mai so o se mokesi, tau faaee atu, lisi, faatonuga tusitusia faaletulafono, faaaliga e taofia ai, po o isi feuiaiga e aafia ai lea fanua i se taimi vave lava a o le i faamauina le ata.

(2) E tatau i le Resitara ona faia se lautusi faanumeraina o le Tusi Resitala mo le esetete po o aia a le faalapotopotoga ua tuufaatasia faaletulafono i so o se meatotino umia toatele, i totonu o le ata o vaega fanua.

(3) O tagata e umia faaletulafono vaega fanua uma, e agavaa i faamanuiaga i meatotino umia toatele, e pei o i latou ia e nofoia toatele, i ni sea ua vaevaeina tutusa i le tulaga e agavaa ai i vaega fanua i totonu o a latou vaega fanua taitasi.

(4) E leai se mea i totonu o le faafuaiupu (3) e aafia ai aia a i latou o ē e umia faaletulafono esetete o vaega fanua i totonu o se vaega fanua e tasi.

(5) Afai o le tagata lava e tasi e mafai ona avea ma lē e umia faaletulafono le sili atu na i lo le tasi le vaega fanua, e faaaogā le faafuaiupu (3) e faapei ai e ese se tagata o umiaina faaletulafono vaega fanua taitasi.

(6) E mafai e le faalapotopotoga ua tuufaatasia faaletulafono ona:

(a) faatau atu pe lisi se vaega o meatotino umia toatele; po o

(b) le faatagaina o se aia e uia ai meatotino umia toatele po o sona vaega.”.

11. Ua teuteuina le fuaiupu 12 - Mo le fuaiupu 12(3) o le Tulafono autu ia suia e faapea:

“(3) Afai o le lautusi faanumeraina o le Tusi Resitala mo vaega fanua autu e aofia ai se vaega fanua faaopoopo, o se aia i lena vaega fanua autu, e lē tatau ona faatauina atu, lisiina, mokesi po o le tagofiaina i se isi faiga e ese ai, vagana ai se faamatuuina atu po o le tagofiaina lea e aofia ai le vaega fanua faaopoopo po o se aia tutusa i le vaega fanua faaopoopo.”.

12. Ua teuteuina le fuaiupu 14 - I totonu o le fuaiupu 14 o le Tulafono autu:

(a) mo le faafuaiupu (1) ia suia e faapea:

“(1) I luga o le faamaoniga o se ata o se vaega fanua ua faia ai se faalapotopotoga ua tuufaatasia faaletulafono, ma, ua avea ma faalapotopotoga ua tuufaatasia faaletulafono mo le fuafuaga tau pule o vaega fanua ua faia, e ala i le faamaoniga o lea ata o vaega fanua.”.

(b) i totonu o le faafuaiupu (2), mo le upu “teuina” ia suia i le upu “faamaoniga”.

13. Ua teuteuina le fuaiupu 20 - I totonu o le fuaiupu 20 o le Tulafono autu:

(a) i le faafuaiupu (1), mo upu “teuina i lalo o le Tulafono o le Faamauina o Pule o Fanua 2008”, ia suia i upu “teuina i lalo o le Tulafono o le Fuaina o Fanua 2010”; ma

(b) mo le faafuaiupu (3) ia suia e faapea:

“(3) E tatau i le Resitara ona faamauina se faaliliuina atu lea e faaaogā i ai le faafuaiupu (1), e ala i le faamauina o se faamatalaga talafeagai e faamanatu ai e faasino i le faaliliuina atu i luga o le lautusi faanumeraina o le Tusi Resitala mo meatotino umia toatele.”.

14. Ua teuteuina le fuaiupu 21 - I totonu o le fuaiupu 21 o le Tulafono autu:

(a) mo le faafuaiupu (1) ia suia e faapea:

8 *Teuteuga o le Tulafono o Pule o Vaega Fanua* 2014, Nu. 12

“(1) E mafai i fanua ia e faaliliuina atu, tuusaunoa mai so o se mokesi faamauina, tau faaee atu, lisi, po o le toe lisiina atu, po o so o se isi lava feuiaiga i le faalapotopotoga ua tuufaatasia faaletulafono o se ata o vaega fanua, ona aofia ai i totonu o le vaevaega lea e faasino i ai le ata o vaega fanua, e avea ma vaega o le meatotino umia toatele, pe afai e aofia ai i le faaliliuina atu, pe sa faamaonia ai i luga o le ata po o ua faapipiina i ai, se talosaga a le faalapotopotoga ua tuufaatasia faaletulafono, lea e faamoemoe e tuuina atu i lalo o so o se faaiuga autasi a le faalapotopotoga ua tuufaatasia faaletulafono ia faia ai faapea ma:

(a) afai o i ai se esetete i se vaega fanua e umia saoloto o lo o faaalua mai i luga o le ata, o le faaliliuina atu o lona uiga o se esetete e umia maoti mai i le fanua lea e faasino i ai; po o

(b) afai o i ai se esetete i se vaega fanua e umia faalisi o lo o faaalua i luga o le ata o vaega fanua, o le faaliliuina atu o lona uiga o se esetete e avea ma fanua e lisiina atu i lē ua lisiina atu i ai mai le tagata e ona le fanua lea ua maea ona aofia ai i vaevaega i lalo o se lisi mo le vaitaimi o lo o totoe, i luga o tuutuuga lava ia ma aiaiga (e ese ai na i le aofai o tupe e totogi mo le lisi), ma e aofia ai aiaiga lava ia e avea ma lisi o le fanua o lo o i ai nei ua maea ona aofia ai i le vaevaega.”; ma

(b) mo le faafuaiupu (3)(c) ia suia e faapea:

“(c) afai na faia se faaliliuina atu i lalo o le faafuaiupu (2), ma faamaonia i luga o le ata, se teuteuga o le faamatalaga o faamanuiaga e agavaa i ai i vaega fanua, ua tuuina atu i lalo o le fuaiupu 8(1).”; ma

(c) mo le faafuaiupu (5) ia suia e faapea:

“(5) E tataui i le Resitara ona faamauina se faaliliuga i lalo o le faafuaiupu (1) po o le (2) e ala i le:

- (a) faia o se faamatalaga e faamanatu ai i luga o le lautusi faanumeraina o lo o i ai nei o le Tusi Resitala mo le fanua ua avea ma autu o le faaliliuga ma faapea ona faalēaogāina ai lea lautusi faanumeraina; ma
- (b) faia se faamatalaga e faamanatu ai i luga o le lautusi faanumeraina o le Tusi Resitala mo meatotino umia toatele e faatatau i le faaliliuga; ma
- (c) faia se faamatalaga e faamanatu ai i luga o le lautusi faanumeraina o le tusi resitala mo meatotino umia toatele e faatatau i so o se aia e uia ai lea e aofia ai i le faaliliuina atu o le fanua po o lea e noatia ai le fanua.”.

15. Ua teuteuina le fuaiupu 22 - I totonu o le fuaiupu 22 o le Tulafono autu:

- (a) ua soloia le faafuaiupu (1) ma le (2); ma
- (b) i totonu o le faafuaiupu (3)(c), mo upu “tusi faamaonia o lautusi faanumeraina i komepiuta” ia suia i upu “lautusi faanumeraina o le Tusi Resitala”; ma
- (c) mo le faafuaiupu (4) ia suia e faapea:

“(4) E tatau i le Resitara, pe afai e tuuina atu se kopi o se ata muamua o vaega fanua, ona faailoa atu i luga o le kopi le numera lea na toe faatoai atu ai ata muamua o le vaega fanua.”.

16. Ua soloia le fuaiupu 23 - Ua soloia le fuaiupu 23 o le Tulafono autu.

17. Ua teuteuina le fuaiupu 32 - I totonu o le fuaiupu 32(3) o le Tulafono autu:

- (a) mo upu “pepa faatumu faatonuina” ia suia i upu “pepa faatumu faamaonia”; ma
- (b) mo le parakalafa (d) ma le (e) ia suia e faapea:

“(d) faalēaogāina o lautusi faanumeraina o le tusi resitala mo vaega fanua taitasi ma meatotino umia toatele; ma

- (e) tusia se faamatalaga e faamanatu ai le faamutaina o le vaihaimi o le lisi ma lona pepa o le vaihaimi aloaia faaletulafono ma luga o le lautusi faanumeraina a lē e lisiina atu o le Tusi Resitala.”.

18. Ua teuteuina le fuaiupu 34 - Mo le fuaiupu 34(4) o le Tulafono atu ia suia e faapea:

“(4) I le teuina o se tautinoga i lalo o le faafuaiupu (1) po o le (2)(b), pe afai ua faamalieina le Resitara e faapea o le esetete o vaega fanua umia faalisi o i totonu o vaega fanua uma ua faaalia i luga o le ata ua tuufaatasia i lalo o aiaiga o lenei fuaiupu, faatasi ai ma le esetete o vaega fanua ua toe faafoi mai i le fanua, e tatau i le Resitara ona:

- (a) faalēaogāina lautusi faanumeraina o le Tusi Resitala mo le esetete o vaega fanua umia saoloto i totonu o vaega fanua taitasi ma le meatotino umia toatele; ma
- (b) faia lautusi faanumeraina o le Tusi Resitala mo esetete o vaega fanua umia saoloto i totonu o vaega fanua taitasi i le tagata ua agavaa i ai i lalo o le faafuaiupu (3); ma
- (c) faia se lautusi faanumeraina o le tusi resitala i le tulaga umia saoloto mo le meatotino umia toatele; ma
- (d) faalēaogāina le lisi; ma
- (e) faalēaogāina le lautusi faanumeraina a lē e lisiina atu, o le Tusi Resitala.”.

19. Ua teuteuina le fuaiupu 40 - I totonu o le fuaiupu 40 o le Tulafono atu, mo upu “pepa faatumu ua faatonuina” ia suia i upu “pepa faatumu faamaonia”.

20. Ua teuteuina le fuaiupu 41 - I totonu o le fuaiupu 41(7) o le Tulafono atu:

- (a) mo upu “pepa faatumu ua faatonuina” ia suia i upu “pepa faatumu faamaonia”; ma

- (b) mo upu “laupepa o faamaumauga faaopoopo”, ia suia i upu “lautusi o le Tusi Resitala mo le meatotino umia toatele”.

21. Ua teuteuina le fuaiupu 42 - I totonu o le fuaiupu 42(1) o le Tulafono autu, mo le upu “mokesi” ia suia i upu “tagata ua tuuina atu i ai se mokesi”.

22. Ua teuteuina le fuaiupu 48 - I totonu o le fuaiupu 48 o le Tulafono autu:

- (a) mo le faafuaiupu (1) ia suia e faapea:

“(1) E tatau ona faia se talosaga i le Ofisa Sili o Pulega mo le faamaoniga i lalo o le Tulafono o le Fuaina o Fanua 2010, e uiga i le toe faia o se atinae po o se ata o le toe faia o se atinae, e avea o se ata fou o vaega fanua.”; ma

- (b) i totonu o le faafuaiupu (3), mo upu “taliaina e le Resitara mo le teuina” ia suia i upu “faamaonia e le Ofisa Sili o Pulega”;
- (c) i totonu o le faafuaiupu (3)(d), mo upu “aloaia” ia suia i le upu “ua laiseneina”;
- (d) i totonu o le faafuaiupu (4), mo le upu “aloaia” ia suia i le upu “ua laiseneina”;
- (e) i totonu o le faafuaiupu (6), mo upu “taliaina e le Resitara mo le teuina” ia suia i upu “faamaonia e le Ofisa Sili o Pulega”;
- (f) mo le faafuaiupu (7) ia suia e faapea:

“(7) I le faamaoniga o se ata o le toe faia o le atinae ma le faamauina o so o se faaliliuina atu talafeagai, e tatau i le Resitara ona:

- (a) faalēaogāina lautusi faanumeraina o i ai nei o le Tusi Resitala i vaega fanua ua aafia e ala i le toe atiaeina; ma
- (b) faia se lautusi faanumeraina e ese ai o le Tusi Resitala e tusa ai o le ata o le toe faia o le atinae mo vaega fanua ua aafia i le toe faia o le atinae.”.

23. Ua teuteuina le fuaiupu 49 - I totonu o le fuaiupu 49 o le Tulafono autu:

- (a) i totonu o le faafuaiupu (2), mo upu “pepa faatumu ua faatonuina” ia suia i upu “pepa faatumu faamaonia”;
- (b) i totonu o le faafuaiupu (4), mo “so o se laupepa o faamaumauga faaopoopo” ia suia i le “lautusi faanumeraina o le Tusi Resitala mo vaega fanua ma meatotino umia toatele”;
- (c) i totonu o le faafuaiupu (6), mo upu “tuuina atu o se tusi faamaonia o lautusi faanumeraina i komepiuta” ia suia i upu “faia o se lautusi faanumeraina o le Tusi Resitala”;
- (d) ua soloia le faafuaiupu (9) ma le (10).

24. Ua teuteuina fuaiupu 50, 52 ma le 54 - I totonu o fuaiupu 50(2), 52(3) ma le 54(3) o le Tulafono autu, mo upu “laupepa o faamaumauga faaopoopo” ia suia i upu “lautusi faanumeraina o le Tusi Resitala mo meatotino umia toatele”.

25. Ua teuteuina le fuaiupu 57 - Mo le fuaiupu 57 o le Tulafono autu:

- (a) toe faanumera aiaiga o i ai nei e avea ma faafuaiupu (1);
ma
- (b) faaopoopo le faafuaiupu e faapea:

“(2) Afai ua leai se pepa faatumu o faatonuina i lalo o le faafuaiupu (1)(d), e mafai e le Ofisa Sili o Pulega ona faamaonia pepa faatumu mo le faamoemoe o lenei Tulafono.”.

26. Ua soloia le fuaiupu 58 - Ua soloia le fuaiupu 58 o le Tulafono autu.

27. Teuteuga faatupulaia - Ua soloia le fuaiupu 5(1)(m) o le Tulafono o le Faamauina o Pule o Fanua 2008.

**O le Tulafono o Teuteuga o le Tulafono o Pule o Vaega
Fanua 2014 o lo o faafoeina e le Matagaluega
o Punaoa Faalenatura ma le Siosiomaga.**

**Lolomiina e le Failautusi o le Fono Aoa o Faitulafono,
i le pule a le Fono Aoa o Faitulafono.**